

Fu posto, per li Savii dil Consejo e terra ferma, la parte di far de novo do Censori, atento le gran pregierie si fa, con certe clausule, come dirò di sotto, da esser posta in Gran Consejo.

Et a l'incontro, sier Zacaria Bembo savio a terra ferma vuol la parte con questa condition, che in li scurtinii, tutti debbano zurar sopra li mesali davanti la Signoria non esser stà pregadi, e dar la ballota contra a quelli harano pregato. Et il resto voleno la parte vechia, *videlicet* che li Censori dagano sagramento loro atorno, *ut in parte*. Andò le do opinion. Di quella dil Bembo 22, dil resto 106. Et questa fu presa.

Fu fatto li scurtini, sicome dirò qui sotto. Et prima di 11 di XX Savi sora la reformation di la terra in luogo di sier Marin Zorzi el dottor, sier Francesco Bragadin è intradi Consieri da basso, di sier Giacomo Michiel, sier Polo Donado, et sier Hironimo Loredan è intradi dil Consejo di X, sier Nicolò Trivixan è intrà Governador di l'intrade, sier Nicolò Coppo è intrado Provedador al sal, sier Francesco Longo intra al luogo di Procurator, sier Antonio Morexini intra Governador di l'intrade, sier Filippo Bernardo e sier Maffio Bollani è fuora dil Consejo di Pregadi. *Item*, 4 di XV Savi sopra la reformation predicta, in luogo di sier Michiel da Leze e sier Polo Trivixan è intradi dil Consejo di X, sier Marco Antonio di Prioli, che va Podestà e capitano a Ruigo et sier Sebastian Justinian cavalier, intra dil Consejo di X. Et li scurtini sarano qui sotto posti.

139 *Electi 11 di XX Savii sora la reformation di la terra.*

Sier Hironimo Zane è di Pregadi, qu.	
sier Bernardo.	87.48
† Sier Pandolfo Morexini el governador di l'intrade, qu. sier Hironimo . . .	110.27
Sier Francesco da Leze, fo podestà e capitano a Ruigo, qu. sier Alvise . .	81.61
† Sier Andrea Basadona fo Consier, qu. sier Filippo	103.39
Sier Bernardo Soranzo è provedador al sal, qu. sier Beneto	65.54
† Sier Zuan Alvise Duodo, fo Cao dil Consejo di X, qu. sier Piero	107.31
† Sier Valerio Valier, fo Cao dil Consejo di X, qu. sier Antonio	109.29
† Sier Andrea Mudazo, fo Consier, qu. sier Nicolò	124.18

Sier Lorenzo Loredan è di Pregadi, qu. sier Nicolò.	75.59
Sier Daniel Vendramin, fo al luogo di procurator, qu. sier Nicolò.	78.61
† Sier Antonio da Mula, fo consier, qu. sier Polo.	119.19
† Sier Antonio Sanudo, fo podestà a Brexa, qu. sier Lunardo	104.35
† Sier Marin Corner, fo Cao dil Consejo di X, qu. sier Polo.	117.20
† Sier Priamo da Leze, fo Cao dil Consejo di X, qu. sier Andrea	98.40
† Sier Andrea Magno, fo capitano a Padoa, qu. sier Stefano	125.14
† Sier Giacomo Badoer, fo Consier, qu. sier Sebastian el cavalier	117.14
Sier Lodovico Barbarigo, fo governador di l'intrade, qu. sier Andrea	78.58
Sier Andrea Vendramin è di Pregadi, qu. sier Zacaria	67.68

Electi 4 di XV Savii sora la reformation di la terra.

Sier Francesco da Leze, fo podestà e capitano a Ruigo, qu. sier Alvise . .	99.38
† Sier Bernardo Soranzo è proveditor al sal, qu. sier Beneto	103.32
† Sier Almorò Donado, fo podestà a Padoa qu. sier Piero	104.32
Sier Homobon Gritti, fo al luogo di procurator, qu. sier Baptista	97.38
† Sier Hironimo Barbarigo, fo podestà a Bergamo, qu. sier Andrea, qu. Serenissimo	110.27
Sier Andrea Vendramin è di Pregadi, qu. sier Zacaria	85.53
Sier Daniel Vendramin, fo al luogo di prucurator, qu. sier Nicolò.	76.58
† Sier Gabriel Moro el cavalier, fo al luogo di procurator	115.24

Fu posto, per i Consieri e Cai di XL una parte, zerca quelli voleno refudar i beni paterni, *licet* la sia, ma acciò niun si possi excusar, sia preso che in termine di do mexi tutti quelli vorano refudar li beni paterni lo possano far, et passadi non si possi più, sotto pena di ducati 500, et li secretari debbi aricordar la parte, qual sia publicata. 97, 18, 10.